

Tujuh pelajar universiti terperangkap kepala air

oleh NORMAWATI ADNAN 10 Jun 2023 08:15pm Masa membaca: 1 minit



Ketujuh-tujuh mangsa berjaya dibawa keluar dari lokasi kepala air dan berada dalam keadaan selamat.
Foto: Bomba Perak

GOPENG - Tindakan pantas pasukan bomba berjaya menyelamatkan tujuh pelajar universiti yang terperangkap dalam kejadian kepala air di Lubuk Timah dekat Simpang Pulai pada Sabtu.

Panggilan kecemasan kejadian itu diterima Balai Bomba dan Penyelamat Simpang Pulai pada jam 5.41 petang.

Penolong Pengarah Bahagian Operasi Jabatan Bomba dan Penyelamat Malaysia (JBPM) Perak, Sabarodzi Nor Ahmad berkata, mangsa terlibat merupakan empat lelaki dan tiga wanita semuanya dari Universiti Kuala Lumpur (UniKL).

"Kesemua mangsa terperangkap di seberang sungai Lubuk Timah ketika menjalankan aktiviti rekreasi.



Operasi menyelamatkan dilakukan dengan mencari laluan darat dalam jarak 1 kilometer daripada mangsa.
Foto: Bomba Perak

"Operasi menyelamatkan dilakukan dengan mencari laluan darat dalam jarak 1 kilometer daripada mangsa dan menyeberang melalui titi," katanya.

Beliau berkata, ketujuh-tujuh mangsa berjaya dibawa keluar dari lokasi kepala air dan berada dalam keadaan selamat.

"Operasi tamat pada jam 6.51 petang," katanya.